

INUIT ATAQATIGIIT INATSIARTUNI



UKA2022/26

Oktobarip 6-at

Mariia Simonsen

Uunga siunnersuut: Kalaallit Nunaanni aalisarnermi pisarineqartut isumalluutini atuinermut akitsuutaat pillugit Inatsisartut inatsisissaattut siunnersuut.

Aningaasaqarnermut Naligiissitaanermullu Naalakkersuisoq

Oqaaseqaat:

Aalisarnermi pisarineqartut isumalluutini atuinermut akitsuutaat pillugu inatsisissatut siunnersuut naalakkersuisut saqqummiussaataat pillugu Inuit Ataqatigiinnit ima oqaaseqarniarpugut.

Ukioq mannamut aningaasanut inatsisissaq siorna isumaqatigiinniutigineqarmat taamani partiit sisamat atsioqatigiillutik isumaqatigiissutigaat aalisakkat aalajangersimasut pisarineranni akitsuutit ilaat atorunnaarsinneqarlutilluunniit qummut killilerneqassasut.

Akitsuutinut allannguutit tamakku 2022-mut atortussangortinneqarput, neriorsuutigineqarporlu ukioq manna ukiakkut ataatsimiinnermi akitsuutit tamakku pillugu inatsisissamik saqqummiussisoqarumaartoq. Tamanna massakkut pivoq.

Siunnersuummi akitsuutit allanngortinneqarnerat 2022-innarmut atuunnani, ukiunut tulliuttunut atuutissaaq, atuutissaarlu aalisarnerq pillugu inatsisip allanngortinneqarnissaata tungaanut. Tamatta nalunngisatsit aalisarnermut

INUIT ATAQATIGIIT INATSISARTUNI



inatsisimmut allannguutissatut siunnersuut aappaagu ukiakkut Inatsisartunut saqqummiunneqartussaavoq.

Inuit Ataqatigiinnit erseqqissaatigerusupparput tunngaviusumik politikkerigatsigu inuiaqatigiit pigisaannik atuineq akeqartinneqassasoq – naleqartut inuiaqatigiinni pilersinneqartut inuiaqatigiinnut tamanut iluaqutaasariaqarmata. Taamaattumik aalisarnermi akitsuuteqartitsineq tapersersugaraarput, siunertaammammi ataatsimoorullugit pigisatsinnit iluanaarutit aalisartut inuiaqatigiillu akornanni agguataarneqartassasut.

Taama oqaaseqarluta siunnersuut aningaasaqarnermut akileraartarnermullu ataatsimiititaliamut suliassanngorlugu innersuupparput.